

Loron Nasionál Feto

3 Novembru 2011

Exelensia Presidente da Repúblika, Dr. Ramón Horta
Exelensia Primeiru Ministru, Sr. Kay Rala Xanana Gusmao,
Exelensia Adjuntu Representativu Espesiál Sekretariu Jerál Nasoes Unidas nian, Sr. Finn Riese-
Nielsen,
Exelensia Ministrus sira,
Exelensia Membre du Parlamentu,
Exelensia Embaixadores sira,
Exelensia Ulun Bo'ot Ajénsia Nasoes Unidas Nian,
Hondra Bo'ot bá Veteranus sira,
Hau Nia Respeitu bá Funsionariu sira Governu nian ho Organijasaun naun Governmentais nian,
Maun Alin Inan Fetón Sira,

Parabéns bá ita hotu-hotu, feto Timor-Leste bá ita nian Lorón Nasionál Feto Nian!

3 Novembru ita hili hanesan lorón nasionál bá feto tanba iha lorón ne'ebá tinan 35 liu-bá ita nian feto lutadora bá resisténsia Maria de Tapo oho iha fronteira Tapo nian iha luta bá independénsia. Tinan ida ne'e, ita espesiálmente hanoin no fó honra bá nia bá ninia kontribusaun iha pasadu no mós heroin sira seluk hanesan Virginia Sarmentu, Maria Gorete, Rosa Muki, Isabel no Silvina Lobáto, Sulvina Numuk, Maria Tapo, ho feto sira kraras nian.

Wanhira Feto Timor sira halo kontribusaun ho valores a'as bá iha luta independénsia nian, importante liu katak halo iha kontestu ho dame, paz, emvolvmentu feto nian la limita deit bá iha área doméstika nian. Ho elisaun Prezidensiál ho Parlamentar ne'ebé hakbesik ona mai iha tinan 2012, tinan ida marka oportunidade importante bá feto sira atu hasae sira nia emvolvmentu iha moris punliku ho polítika nian atu nune'e loke dalan hodi hadi'ak liutan partisipasaun iha desizaun hotu-hotu ne'ebé laos afeta bá moris feto nian maibé ein Jerál bá dezvoltamentu ita nia nasaun nian.

Feto lori hanoin sira ne'ebé uniku no importante, prespekiva no koñesimentu ne'ebé kritiku tebes bá dezvoltamentu estratéjia sira, polítika sira, ho lei sira ne'ebé governa ita nia nasaun no determina ita nia prioridade futuru nian. Partisipasaun ativu feto nian asegura katak neseseidade 50% husi ita nia populasau sei rezolve no rekursu sufisiente sei aloka atu rezolve neseseidade espesífiku feto nian ho feto-ran sira iha nasaun laran tomak.

Feto iha polítiku halo tiha ona diferensia bo'ot ida bá dezvoltamentu jéneru nian iha ita nia nasaun. Por ezemplu, iha Timor-Leste, feto CAUCUS iha Parlamentu (Grupu Feto Parlamentar Timor-Leste) halo tiha ona diferensia ne'ebé bo'ot hodi halo lobi bá Sekretaria Estadu Promosaun Igualdade ho sosiedade sivíl bá orsamentu responsívu bá jéneru tinan liu bá. Hanesan rezultadu ida husi sira nia esforsu, sira maneija atu asegura dollar amerikanu \$500,000 hanesan orsamentu jéneru nian bá Ministériu agrikultura ho dollares Amerikanu \$1,137,000 atu fó apoiu bá implementasaun kona-ba lei kontra violénsia doméstika.

Ida ne'e sei halao bá hodi hasae oportunidade buka moris bá feto sira, hadi'ak nutrisaun feto sira nia ho sira nia família no mós rekursu konfretu no fó apoiu bá vítima sira violénsia doméstika nian.

Rekoñese neseseidade feto nian atu hamutuk hodi atinje objetívu komum, iha elisaun Prezidensiál ho Parlamentar ne'ebé sei mai iha 2012, feto sira iha partidu sira nia laran tau hamutuk sira nia forsa atu dezvoltar programa nasionál ida bá feto ne'ebé sublinha áreas prioridade ne'ebé sai priokupasaun bá feto no preziza asaun sira atu rezolve sira nia neseseidades.

SEPI ativu tiha ona hodi fó apoiu no promove partisipasaun polítika bá feto sira. Tinan ida ne'e entre fulan Abril ho Outubru, SEPI organija sorumutu tolu ne'ebé lahanesan ne'ebé lori hamutuk

representantes Nasionál sira husi distritu 13 inklui mós membru du konsellu du Suku, paseira sosiedade sivil sira ho fetu sira ne'ebé iha poténsialidade atu prepara no reprezenta fetu iha nível nasionál ho nível komunitária. SEPI mós partisipa tiha ona iha iniciativa sira haré informasaun klean liu-tan bá públiku inklui hato'o tiha ona informasaun liu husi Radio, TV, iha nasaun laran tomak ne'ebé hato'o buat hirak ne'ebé atinje ona ho dezafiu sira ne'ebé mak fetu sira hasoru iha sira nia vida polítika nia.

Iha ona dezentvolvimentu importante no mós dezentvolvimentu iha ita nia nasaun atu fó apoiu bá hodi hasae partisipasaun polítika fetu nian hanesan halo revizaun bá lei eletoral atu inklui kuota ida iha lista kandidatura nian ne'ebé 1 husi ema kandidatu nain 3 agora tenke fetu. Maibé sasuka sira hanesan ne'e sei ajuda Timor-Leste atinje objetivu MDG nian ne'ebé 35% fetu iha Parlamentu iha tinan 2015. sei iha opstakulu barak ne'ebé presiza atu rezolve atu nune'e bele asegura partisipasaun polítika fetu nian maksimu liu-tan.

Obstákulu hirak ne'e inklui taxa fertilidade ne'ebé a'as no fetu sira nia responsabilidades iha uma laran, nível edukasaun ho literasia ne'ebé ki'ik kompara ho mane sira, liga bá ida ne'e, fiar an ne'ebé menus liu atu lori sira nia an bá oin hanesan kandidata an bá elisaun, no sublinha buat hirak ne'e hotu stereotipu ka observasaun negativu atitude sira hasoru partisipasaun fetu nian iha vida públiku.

Maibé, estatística resente ka foin lalais ne'e hatudu katak taxa fertilidade tun husi 7.8 iha tinan 2003 to'o 5.7 iha tinan 2009/2010¹, asaun sira atu asegura edukasaun universal bá ema hotu-hotu, akordu Díli nian, programa bá fetu iha polítika, ho planu atu esbosa guia da mapa ida ho enkudramentu estratéjiku bá fetu sira iha polítika sei hahú rezolve dezafiu sira atu permiti fetu sira espasu atu kontribui bá iha dezentvolvimentu ita nia nasaun nia, no exerse sira nian direitu maksimu iha partisipasaun públiku ho polítika hanesan asegura husi ita nian konstituisaun ho CEDAW.

Antes atu hau akotu hau nia lia fuan, hau husu bá ita hotu atu hanoin hikas fetu hotu-hotu ne'ebé luta kontinua bá justísa, igualdade ho progresu ita nia nasaun nia. Hau mós husu bá mane sira hotu-hotu atu fó apoiu bá ami fetu sira, inkoraja ami nia impodeira ami atu hamrik hanesan iha ami nia sorin atu nune'e ita hamutuk, ita sei haré progresu ho susesu ne'ebé ita hotu hein ka espera.

Hau dala ida tan hau nia deseju bá imi hotu iha laron nasionál fetu no obrigado wain bá imi hotu ne'ebé mai ona iha ne'e hodi hatudu imi nia apoiu tomak.

Hamutuk ita bele, no forto hau bele, o bele, ita hotu bele.